

La carta de San Pablo a los Colosenses

Colosas cuto gānare Pablo ī papera cōare gaye

1-2 Ñati Colosas cuto gāna mua. Yü ña Pablo. Adi papera muare cōa yu. Jesucristo ocare yu riaso ucutoni ī cūru ñia yu. Ito bajiro yere ī cūre ãmoñi Dios. Adojü mani yagü Timoteo rāca tubia ecoana ña gúa. “Quenajaro”, yami ī cuni. “Dios rīa ña mua, ito yicōri Jesucristore queno tħorūnurā ña mua”, yi masia gúa muare. Muare queno ī yiton, mani Jacü Diore seni īsisotia gúa. Mua ya usijü queno sajari oca cūti quenaroca Dios ī yire ãmoa gúa.

Cristore tħorūnurāre yiari Diore Pablo ī seni īsisotire gaye

3-4 “Jesucristore queno tħorūnurā ñama īna, ito yicōri Dios ñarāre queno ti mairā ñama īna”, muare masa īna yija tħoċu gúa. Ito bajiro īna yija tħoċōri, wanha għa. Ito bajiri muare yiari Diore għa senija, “Queno ya Dios mū”, yisotia għa, mani Ujja Jesucristo Jacare bħasirā. **5** “Umacūju Dios tħejja ejacōri queno wanu quenarā yirāji mani”, yi tħoħha wanu yurā ña mua cuni. Ito bajiro tħoħħasoyija mua ca-jero Cristo oca mua tħorūnusħora rumu. Cristo oca iti ña oca riojo ñasarise. **6** Cristo oca tħo masiħocōri, “Iti ña oca riojo ñasarise”, yiyija mua. “Ñeñaro yirā ñabajarāti manire ti maicōri manire queno yiñi Dios”, yi tħorūnayija mua. Ī oca quenarise mua tħogħore masa jeyaro tħorā yirāji adi rumħeri īja. Ito yicōri mua yiado bajiroti īna ñeñaro yirise jidicācōri

mama *usi* wasoarā yirāji ña cāni. ⁷ Mani yaga Epafras wame cutiga, ñi ñami mani maigü. Muare Dios oca riasoñi ñi. Jesucristore moa ñsigü ñari queno adoju guare ejabuami ñi. ⁸ “Espíritu Santona suoriti gāmeri ti maiama ña Colosas cuto gāna”, yi goti ejaqui Epafras guare.

⁹ Ito bajiro ñi yija tuocōri, muare yiari Diore seni ñisusoc ga. Ñaro bajiroti muare yiari Diore senissabea ga. ñi ocare queno mua tuo masi jeotoni, ñre senia ga. Ito yicōri ñi masirise muare jidicātoni Diore senia ga. “Ado bajiro mani yire ñamoguñi Dios”, mua yi masitonu, ñre seni ñisotia ga. ¹⁰ Ito bajiro mua yi masija, mani ñju ñi ñamoro bajiro yi ñarā yirāji mua. Ito yicōri ñi wanutoni ñre cudisotirā yirāji mua. ñre moa ñisirā gājerāre queno ejabuarā yirāji mua, ña Diore masitonu. Ito bajiro yirā Dios gaye masi remocōri buto busa ñre tuorñu warā yirāji mua. ¹¹ Retoro masigü Dios ñi ñajare, ñre senia ga ñi masirise muare ñi jidicātoni. Ito bajiro muare ñi yirise ñajare, ñeñaro mua tobujabojaja cāni ñemecuti masirā yirāji mua. Ito yicōri tuoña usirio yimenati wanu quenarā yirāji mua. ¹² Mani Jacu Diore wanucōri ado bajiro ñre busisotirā yirāji mani ñja. “Queno ya Dios mua. Mu ñarā ga ñatoni guare masoyija mua. Ito bajiri mu ñaro queno busuroju ejacōri, gājerā mu ñarā rāca mu ñiroti bujarā yirāji ga cāni”, yi wanu yirāji mani, Diore busirā. ¹³ Ñeñaro yirā ñju ñarā mani ñame yiroc manire masoñi Dios. Manire masocōri ñ Macu ñ maigü ñarā mani ñatoni manire cūñi Dios. ¹⁴ Manire yiari ñ Macu godarena suoriti manire masoñi Dios. Ito bajiro yicōri mani ñeñaro

yirise ācabojoñi Dios.

Cristo ī goda īsirena suoriti Dios rāca oca mano queno mani ñare gaye

15 Ñimujua Diore tigorua maquiji. Ruyugua meje ñami Dios. Ito bajibojarocati Cristore mani masija, “Ito bajiguti ñaguji Dios”, yi masirāji mani. Ñatīñagă ñami Cristo. Adi macārucūro Dios ī rujeoroto riojua ñacāyijua Cristo. **16** Ìna suoriti dise røyabeto ūmacūju gaye cəni, adi sita gaye cəni rujeoyijua Dios. Ruyubiti cəni, ruyurise cəni ī Macu rācati rujeoyijua Dios. Ruyumenare, ìna ujaräre cəni rujeoyijua Dios, ī Macu rācati. Ito bajiri ïnare rujeoru ñari, ìna uju ñami Dios Macu. Ito bajiro yicōri ìna Uju ñasagu ī Macare cūyijua Dios. **17** Adi macārucūro Dios ī rujeoroto riojua ī Macu ñacāyijua. Ìna suoriti jeyaro ña. Ì manijama disejua maniboadoja. **18** Jesucristo sīgūti ñami ìre tuorñuräre ūmatā ñari masu. Ì ñarā mani ñajare ī ñami mani rijoga. Ì godarena suoriti ī ñarā mani ñasuoroca yiyijua Dios. Ì ñami cajero godabojaguti macana tudi catiru. Ito bajigu ñari, manire cəni tudi catiroca yi masiguji ì. Ìti ñami masa jeyaro Uju ñasagu. **19** Ì Jacu Dios robo bajiro bajiguti ñami Jesucristo cəni. Ito bajiro ī bajijare ãmoyijua Dios. **20** Masa jeyaro adi sita gāna, ūmacūju gāna cəni ñeñaro yirā ñayijarā. Ito bajiri masa ìna oca cətirise oca queno ãmogu ī Macare waja yi ñisi rotiyijua Dios. Yucātēojua ī Macu ya rí budirena suoriti masa rāca oca quenoyijua Dios.

21 Iti rəmujua ñeñaro tuólarā ñabojacu mani maji. Ñeñarise yisoticu mani maji. Diore ti tudirā ñari,

mani wajacure bajiro ūre tuoñac mani maji. ²² Adi rumuriama mani wajacure bajiro ūre tuoñabea mani ūja. Újua oca quenoñi. Ñeñaro mani yirise waja, waja yiroc manire goda ūsiñi Cristo. Ito bajiro ū yijare Dios ū tiro riojo ñe seti mana ña mani ūja. Ñeñaro yiñamena robo bajirā ña mani ūja, Dios ū tija. “Úna ñama yu waja yi ñisiana, ito bajiri seti ma ñinare”, yigu yiguñji Cristo, Diore gotig. ²³ Ito bajiro manire yiari Diore basi ejabuagu yiguñji Cristo, Dios oca mani tuoñu jidicâbeja. Ú oca mani tuoñocatire tuoñusotirā yirāji mani. Gaje oca manire gâjerā ña gotibojaja cuni, ñinare tuoñumenaji mani. “Jesucristore mani tuoñuja, manire masogū yiguñji”, yire oca jidicâmenaji mani. Iti ña oca quenarise. Adi rumuri co sita gâna ruyabeto iti ocare tuoñaji. Yu Pablo Diore moa ñsigü ñari iti oca riaso ucuri masu ña yu.

Diore tuoñurâre Pablo ū ejabuare gaye

²⁴ Dios oca riaso ucuri masu ñari, buo wanua yu. Ito bajibojarocati ū oca yu muare riasoja, yu tuoña bujatobitiroca yama gâjerā. Tuoña bujatobitibojaguti wanua yu. Manire yiari tuoña bujatobisí Cristo cuni. Ito bajiri Dios oca Cristore tuoñurâre riasoguti yu tuoña bujatobitibojaja, no yibea yure. Tuoña oca jaibea yu. Wanua yu. Mani ū ñarâre yiari tuoña bujatobisí Cristo cuni. ²⁵ Úre tuoñurâre ū oca riaso ucutoni yure cûñi Dios. Muá oca sêotoni yure cûñi Dios. Co masa ruyabeto ū oca ña tuoñitire riaso ucutoni yure cûñi Dios. ²⁶⁻²⁷ “Judio masa mejere cuni masogū yiguñji Cristo”, yire gaye gotibisiju Dios maji Jane mejeju. Ito bajiri mani riojua gâna iti

ocare masibisijarā maji. Adi r̄um̄riama ī ñarā ñarocōti ī oca quenarise mani t̄o jedire āmoguīji ī. Ado bajiro bajia iti oca wanā quenarise. Tite. Mani ya ̄usijā quedí sājacōri mani rācati ñatīñagū yiguīji Cristo. Ito bajiri, “Úmacājā Dios ī ñarojā Cristo rāca catitīñagū yiguja yā”, yi t̄oñacōri wanā mani.

²⁸ No yā wa ucurijācō masa jeyarore Cristo oca yā masiadicō riaso ucua yā. “Cristore m̄ua t̄orūnābeja m̄are masobicā yiguīji ī”, yi goti quenoa yā masare. Ito bajiro masare riasoa yā, Dios ī tiro riojo, Cristore t̄orūnācōri ñe seti mana īna ñatoni. ²⁹ Jesucristore queno masa masitoní josari moa yā. Yumasirio meje moasotia yā. Cristo yāre ī ejabāarisena moasotia yā.

2

¹ M̄are yiari ruje Diore seni ñisisotia yā. Laodicea cuto gāna, yāre tiñamenare yiari ito bajiroti Diore seni ñisia yā. “Manire yiari ruje Diore seni ñisisotiamí Pablo”, m̄ua yi t̄oñare āmoa yā. Ito bajiri adi papera m̄are cōa yā. ²⁻³ M̄are yiari ito bajiro Diore seni ñisisotia yā, m̄ua ya ̄usijā t̄oñā oca sētoni. Sīgū ̄usi bajiro riti t̄oñacōri m̄ua gāmeri maitoni m̄are yiari Diore seni ñisisotia yā. ī ocare queno t̄o masicōri, “Riti ña iti. Jesucristo masoana ña ḡua”, yi m̄ua t̄oñare āmoa yā. Iti r̄um̄jā Jesucristo gaye ñarocōti goti jeobisijā Dios maji. Adi r̄um̄ri ñja ī goti jeobitire gotigā yami Dios manire. Cristo sīgāti ñami jeyaro t̄o masire r̄ucogā. Dise r̄uyabeto t̄o masigū ñami ī. Íre mani t̄orūnāja queno t̄o masirā ñarā yirāji mani cāni. ⁴ Queno goti r̄orāre m̄ua t̄orūnāme yirochā, adi m̄are gotia yā. ⁵ M̄ua

tu ñabitibojagtti muare tuo maicõri mua tu ñagã bajiro bajia yu. “Sígãre bajiro riti usi cãticõri, queno Jesucristore tuorãnãrã ñama Colosas cãto gãna”, muare masa ña yija tuocõri, buto wanua yu.

Cristore boca ãmigoana ñari, ï ãmoro bajiro riti yija quena, yire gaye

⁶ Cristore boca ãmicõri, “Íti ñami yu Uju ïja”, yigoana ña mua. Ito bajiro yiana ñari, ï ãmoro bajiro riti yi ñasotiya mua. ⁷ Buto busa Cristore tuorãnã warona Dios ocare riasotiya mua. Íre queno tuorãnãcõri Íre cãdisotiya mua. Muare riasogoana yiado bajirot**i** buto busa Jesucristore tuorãnãña mua. Ito yicõri, “Queno ya Dios mu”, yi wanusotiba mua.

⁸ “Oca ñasarise riasoa gua”, Jesure masimena ña yibojaja, ñinare tuorãnãbesa mua. Jesucristo oca meje ña ña riasorise. Ña rioju gãna ñamasí tuoña rujeore gaye riasoama ña. “Ado bajiro bajia adi macãrucãro”, ña yi tuoña rujeore gaye riasoama ña. Cristo oca meje ña ña riasorise.

⁹ Riojo muare oca gotia yu. Cristo sígãti ñami jeyaro Dios gaye rucogu. Dios ï masirise, ï séorise, ï ñasarise Dios gaye disejuu ruyabeto rucogu ñami Cristo. Manire bajiro ruju cãtibojagtti Dioti ñami Cristo. ¹⁰ Ito bajiri Cristore boca ãmigoana ñari queno usi cãtia mani ïja. Íre boca ãmicõri Diore cãni boca ãmigoana ña mani ïja. Cristoti ñami Uju ñasagu. Ñimuju Íre roti masigã maquiji. Íti ñami ûmaciju gãna ujarãre, adi sita gãna ujarãre cãni roti masigu. ¹¹ Dios ñarã ñarona judio masa wiro tabojare bajiro yibisija mua. Dios ñarã ñarona Cristore tuorãnãyija mua. Ito bajiri mua ñeñaro yi ujarisere

m  a jidic toni, m  are ejab  a  i Cristo. **12** “Riti bajia. Cristo   godabojarocati t di   catiroca yi  i Dios. Ito bajiroti y re c ni t di catiroca yig  yigu j  Dios”, yi t or n yija m  a. Ito bajiro yi t or n c ri id  gu rotiyija m  a. “Cristore t or n r   ari g a  e n aro yirisere jidic   moa g a. Mama usi wasoa  moa g a”, yi t o ac ri id  gu rotiyija m  a. **13** Iti r m  u  e n aro yir   ari, ito yic ri  e n aro yirise jidic   momena  ari, godana robo bajir   abojac  mani maji. Diore masir  meje  ac  mani. Cristore mani t or n jare manire maso i Dios. Ito yic ri mani  e n aro yirise  abobojo jeo i  . **14** Dios   rotirise c dibitic ri seti cutir   ac  mani maji. Yuc t eo u masare yiari Cristo   goda  sirena s oriti mani  e n aro yirise  abobojo jeo i Dios. Ito yic ri mame oca gotiroc  cajero   rotis ore jidic c ri gaje wasoayij  Dios  ja. **15** Ito bajiro Dios   yijare, “Seti cutir   ama  na”, yi masibeami r m  a u j  Satan s  ja. Yuc t eo u manire yiari goda  sic ri, r m  are ruyumena  aroc reti r etoc yij  Cristo. Ito bajiro   yijare, “R etoro masig   ami Cristo.   masirise  oroc , r m  a u j   nar re c ni r etoc yij  Cristo”, yi t o a mani.

Dios   amoro bajiro riti mani yija quena, Pablo   yire gaye

16 Ito bajiri, “R ore  a, babes , idibesa”, yire ma  ja. “B car  rotire c dib a m  a”, m  are  na yibo j a, bojori b j re ma m  are. “G a ya basa r m  , g a ya tujac ra r m   c ni r c b obe a m  a. Mam   mac ni   joeari r m   r c b obe a m  a”, m  are  na yibo j a bojori b j re ma m  are. **17** Cristo   godaroto rioj a jaje rotire gaye  ayij  maji. “Cristo  

ejaja queno manire ejabhag yiguñji ñ”, judio masa ñna yitoni jaje rotire gaye cūyiju Dios maji. Manire Cristo ñ goda ñsija bero bucrā ñna yisotire mani yiroti meje ña ñja. Adi rm̄teri Cristo ñ rotiro bajiro riti cddi warā yirāji mani ñja. ¹⁸ Coriarā ado bajiro goti ruoama muare: “Gua cāiroju ticōri queno Dios ñ rotirise goti masia gua. Manimasiti mani ya rujāre cami menija quena”, yi goti ruoama ñna muare. “Ángel mesare gua rucubuoado bajiro mua rucubuobeja, muare masobiquiji Dios”, yi goti ruoama ñna muare. ñnamasiti tuoña rujeocōri, ito bajiro goti ruoama ñna. “Gua robo bajiro mua yibeja, muare masobicu yiguñji Dios”, yi ruoama ñna. Itó bajiro muare ñna yibojarocati, ñnare tuorānubeja. ¹⁹ Mani ñju Cristo bajiro tuolarā meje ñama ñnaõna. Mani ñju ñari, Cristo sigütí ñami mani rijoga bajiro bajigu. ñre boca ãmigoana ñari ñ ya rujārobo bajirā ña mani. ñre riti mani tuorānuja, sigü bajiro riti tuolarā yirāji mani. Itó yicōri Dios ñ ãmoró bajiroti buto busa Cristore tuorānuwarā yirāji mani ñja.

²⁰ Manire goda ñsicōri bucrā rotire jidicācōri mame oca wasoayiju Cristo. Itó bajiri adi sita gāna ñna tuoña rujeore mani cddiroti meje ña. “Bucrā masa ñna rotire mani cddiya, manire masogu yiguñji Dios”, ñna yibojaja, mani cddiroti meje ña. ¿No yija ito bajibojarocati adi sita gāna ñna tuoña rujeorise cddiati mua maji? ²¹ Ado bajiro rotiama ñna. Tite: “Itire bare meje ña. Babesa, moañabesa”, yama ñna. ²² Itó bajiro ñna riasoja, adi macārucāro gāna ñna tuoña rujeorise ña. Bare jedirise ña, ito yicōri mani ba jeoroti ña iti. ²³ ñna tuo seyorise ñna riasoja tuocōri, “Queno tuolarā ñama”, yi tuoñabojama

coriarā. Ito bajibojarocati queno tħoħarā meje ħama īna. Ado bajiro riasobojama īna. Tite: “Għa rħċebħoanare rħċebħoja quena. ‘Masigħu meje ħa yu’, mani yija quena. Mani tħoħa bħajtobeja quena. Manimasiti mani ya rujħre cami menija quena. Ito bajiro mani yija, mani ħeñaro yirise jidicā masirā yirāji mani”, yi tħoħabojama. Ito bajiro meje bajia.

3

¹ Cristore īna sħabojarocati tħudi ī catiroca yiñi Dios. Īre mħacana tħudi catiroca yicōri īmac ġejha ī ya riojocadha rħċebħo rajha ruji rotyijha Dios. Cristore mani tħorġnuroto riojha Diore masibitħoġri godacħana robo bajirā ħaċċi mani maji. Ito bajiri ħeñaro yirise jidicācōri Cristore mani tħorġnusħoocati rħamha tħudi catirā robo bajiro mani bajiroca yiyyiha Dios manire. Ito bajiri īmac ġejha Dios rāċa catifinharā yirāji mani. Ito bajiri īre wanħrā īmac ġejha īgħay mani tħoħja quena. ² Adi sita gayere tħoħa wanusabitirha manire. Īmac ġejha Cristo gaye bu to bħsa mani tħoħa wanha quena. ³ Jesucristo ī għoda īsirena sħoriti mani ħeñaro yirise āċabobojo niżi Dios. Ito bajiri mħacana tħudi ħeñaro yi hyabitirha manire. Mħacana tħudi mani ħeñaro yi hyabe yiroha, manire tirħenagħu yigużej Cristo. Ito yicōri īmac ġejha Dios rāċa mani catifinhar manire tirħenagħu yigużej Cristo. ⁴ Mani ya hxiha Cristo ī quedi sājagoana ħari īna sħoriti catia mani. Īti ħami catitħiħare ħasarise rħacogħa. Tħudi ī goaħori rħamha masa jeyaro īre rħċebħo orā yirāji. Ī ħarā ħari, īmac ġejha ī räcati wanħrā yirāji mani cunni.

Cristore boca ãmicõri mama usi wasoare gaye

⁵ Ito bajiri adi macãrãcãro ñeñaro mani yirise jidicãgoruja manire. Rocati romiare yibitiruja manire. “Isore ãmoa yu”, yi tuoňabitiruja manire. Mani ya rujuna ñeñaro mani yirise jidicãruja manire. Gãji ya gajeonire uobitiruja manire. Gajeonire mani tuoňa wanuja, Diore rãcubuorã meje ña mani. ⁶ Ito bajiro ñeñaro yirãre junisinicõri, ñna cuđibitire waja, ñnare buťo waja senigã yiguñji Dios. ⁷ Iti rãmãju adi sita gãna bajiro tuoňacõri ñnare bajiroti ñeñaro yicu mani cuní maji. ⁸ Adi rãmãri jeyaro mani ñeñaro yirise jidicãja quena. Junisinibitiruja manire. Ti tebitiruja manire. Ti tudibitiruja manire. Gãjerãre bušitubitiruja manire. Mani ya risena oca ñeñarise bušibitiruja manire. ⁹⁻¹⁰ Ñeñaro mani yi uyarise jidicãcõri mama usi wasoana ña mani ñja. Ito bajiri muçana tudi gãjerãre socabitiruja manire. Dios manire rujeoru ejabuasotiami manire ñ amoro bajiro mani yiton. Buťo buša ire mani masiroca yami Dios, Cristo ñ queno yiado bajiro mani yiton. ¹¹ Cristo ñ quedí sâjana ñari sîgû rña ña mani ñja. Ito bajiri, “Judio masa ña gua. Judio masa meje ña muama”, yire ma ñja. “Wiro tagoana ña gua. Wiro tagoana meje ña muama. Riasotigoana ña gua. Riasotigoana meje ña muama. Gãjerãre moa ñisirãona meje ña gua. Gãjerãre moa ñisirãona ña muama”, yire ma ñja. Sîgûti ñami mani Uju, ñ ñami Cristo. Ito bajiri Dios ñ tija sîgû rña bajirã ña mani.

¹² Dios ñarã ña mani ñja. Manire ti maicõri, manire beseñi Dios, ñ ñarã mani ñatoni. Ito bajiri mani cuní gãjerãre mani ti maija quena. Ito yicõri

ĩnare mani ejabuaja quena. “Gājerā rētoro que-nagu ña yu”, yi tuoñabitiruja manire. Gājerāre seoro rotibitiruja manire. Manire gājerā usirioro ñna yibojarocati junisinibitiruja manire. ¹³ Mani gāmeri ejabuaja quena. Manire gājerā ñna ñeñaro yibojarocati ñnare junisinibitiruja manire. Itire mani ācabojoja quena. Mani ñeñaro yirise Jesucristo ī ācabojado bajiroti gājerāre cuni mani ācabojoja quena. ¹⁴ Gāmeri mani ti maija, iti ña rētoro ñasarise. Dise gaje rotire rētoro ñasarise manoja. Mani gāmeri ti maija, sīgu bajiro riti tuoñarā yirāji mani, Dios ī ãmororajido bajiroti. ¹⁵ Cristo ī ãmororajido bajiro riti mani yija, ñe oca manoti mani ya usiju queno wanu quenarā ñarā yirāji mani. “Íre cudia yu”, yi masicōri, mani ya usiju queno wanu quenarise rāca ñarā yirāji mani. Ito bajiro mani ñatoni ī ñarā sīgure bajiro mani tuoñaroca yicāñi Dios. Ito bajiro, “Queno ya Dios mu”, yifñaruja manire, Diore rūcubuorā.

¹⁶ Mani ya usina Cristo ocare tuoñacōri wanure rāca Íre cudi ñasotiruja manire. Í ocare queno masicōri gāmeri mani riasoja quena. Ito yicōri mani goti rētobuja quena. Diore wanurā, Íre basa seoto mani. Í oca tutire ticōri seoto mani. “Queno ya Dios mu”, Íre yi rūcubuo seoto mani. ¹⁷ Dise ruyabeto mani busija cuni, mani moaja cuni, “Jesucristo ñami yu Uju”, yi tuoñacōri, ito bajiro yiruja manire. Cristore tuoñacōri Í ejabuarisena, “Queno ya Dios mu”, mani Jacu Diore yi rūcubuoruja manire.

Cristore tuoñarā ñari mani bajire gaye

18 Tuoya romia múa, mware busigü ya yü. Múa manejusabatia yiro bajiroti cüdiya. Mani Üjü Jesucristore tuorñurá ñari, ito bajiroti múa yija quena.

19 Tuoya ümúa múa, mware cüni busigü ya yü. Múa manojosâromiare queno ti maiña. Ito yicôri sêorise râca rotibesa múa. Quenoti ñare rotija quena.

20 Tuoya rîaca múa, mware busigü ya yü. Múa jacüsabatia yiro bajiroti cüdisotiba múa. Ito bajiro múa yija ticôri, wanugü yiguñji Dios.

21 Tuoya rîa cutirâ múa, mware busigü ya yü. Múa rîare usirioro tudibesa múa. Biyaro ñare múa tudija tuocôri, tuo oca sêomenaji ña. Ito bajiri mware cüdi ãmomenaji ña.

22 Tuoya gäjerâre moa ñisirâ múa, mware busigü ya yü. Múa üjarâre queno cüdiya múa. ña tiroca cüni, ña tibeto cüni ñare queno cüdisotiba múa. Múa üjarâ ña tiroca riti múa moaja, “Guare ti wanujaro ñ”, yi tuoña múa. Ito bajiro múa yija queno moa ñisirâ meje ña múa. Mani Üjü Jesucristore tuorñurá ñari, múa üjarâre queno moa ñisia quena. **23** Dise ruyabeto múa üjarâ ña rotirise wanure râca moa ñisia quena. Temenati moaja quena. “Yü moarise tiami Cristo”, yi tuoñacôri, ñre moa ñisirâ robo bajiro múa üjarâre cüni queno moa ñisiña múa. **24** Cristo sîgûti ñami mani Üjü ñasagu. ñre moa ñisirâ ya mani. Itire ãcabojabesa. Manire queno waja yigü yiguñji. Mani catitñaroca yigü yiguñji Cristo. **25** No ñeñaro yigüreti waja senigü yiguñji Dios. Queno ti bese masigü ñari, masa ña ñeñaro yigoadocôti waja senigü yiguñji Dios.

4

¹ Tħoħħħa moa īsiri masa cħutirā mħa, mħare bħusig u ya yu. Mħa ya moari masare quenot i rotiya. Ito yicōri īna moaro bajirot iñare queno yiya. Ado bajiro mħa tħoħħajha quena, “Umacūj u ñami yu Ɉju, yure queno yigu. Ito bajiri yu ya moari masare queno yicu ja yu cunī”, yi tħoħħajha quena.

² Diore bħusi jidicābeja. Īre mħa bħsisotija quena. I cedija ticōri, “Queno ya Dios mu”, yi ñaňia mħa.

³ Diore mħa bħsija guare yiari seni īsisotija mħa. Ito bajiro mħa senija tħoċċori, guare queno ejabuag u yiguji Dio, gaje masare Cristo oca gua riaso ucu masitoni. Cristo oca masa īna masibitire yu riasojare ado tubia ecoru ña yu. ⁴ Yure yiari Diore seni īsiňa, masare yu riasoja queno īna tħo masitoni. Ito bajiro īna queno tħo masiroca iñare riasorija yure.

⁵ Jesucristore tħorunnu mena tu mħa waja, rocati ñacōabesa. I ocare īna tħo āmoja iñare gotiba. “Queno yirā meje ña mħa”, mħare īna yibek yirona, queno tħoċċori iñare ī oca goti rētobu ja quena.

⁶ Queno tħoċċori iñare Cristo oca gotiru ja mħare. Queno wanu quenacċori mħa bħsija quena, Cristo ocare īna boca āmitoni. Dio, ocare queno riasotiya, gäjjer mħare īna seniħajha, riojo mħa cuditoni.

Quenajaro masa, Pablo īyi ñucare gaye

⁷ Adoju yu rāċa mani Ɉju re moa īsigu ñami Tiquico wame cħutigu. Manire bajirot Jesucristore tħorunnugu ñami ī cunī. Ito bajiri mani rāċa gagu mani maig u ñami ī. Mħa tu ejacċori yure rētare gaye mħare gotigu yiguji ī. ⁸ Mħa tħej u ire wa rotigu, ado bajiro īre gotia yu: “Īna ya ħsij u īna tħo oca sētoni, ‘Queno ñama Pablo mesa’, yi gotitēn”, yi gotia

yu Tíquicore. ⁹ “Tíquicore baba cuti wasa”, yi gotia yu Onésimore. Manire bajiroti Jesucristore queno tuorūnugū ñami Onésimo cuni. Í ñami mani rāca gagu, mani maigu. Ma rāca ñagoru ñami Onésimo. Ma tu ejacōri guare rettare gaye gotirā yirāji ïna juarā.

¹⁰ Adoju yu rāca tubia ecoru ñami Aristarco wame cutigu. “Quenajaro”, yami muare. “Quenajaro”, yami Marcos cuni. Í ñami Bernabé teñu. “Ma tu Marcos í ejaja, wanure rāca ïre boca ãmiña”, muare oca goti ñucacacu yu. ¹¹ Jesús Justo wame cutigu cuni, “Quenajaro”, yami. Ína udiarāti ñama judio masa yu rāca Diore moa ïsirā. Jesucristore boca ãmicōri Diore moa ïsirā ñama ïna cuni. Ína yure ejabuajare, queno wanu quenacōri oca seoa yu ïja. ¹² Ma yagu Epafras wame cutigu, “Quenajaro”, yami. Jesucristore moa ïsigu ñami í cuni. Co rumu ruyabeto muare yiari Diore seni ïsisotiami í. Queno Diore tuorūnurā ïre mua cudi ñatoni muare yiari Diore seni ïsisotiami í. Ito yicōri í ãmoro bajiro mua cudi jeotonu muare yiari Diore seni ïsisotiami í. ¹³ “Riti muare yiari Diore senisotiami Epafras”, ya yu, ïre tisotigu ñari. Laodicea cuto gänare, Hierápolis cuto gänare yiari cuni Diore senisotiami í. ¹⁴ Lucas uco yiri masu mani maigu, “Quenajaro”, yami. Demas wame cutigu, “Quenajaro”, yami í cuni.

¹⁵ “Quenajaro Laodicea cuto gäna”, ya yu. “Quenajaro Ninfa. Quenajaro Cristore tuorūnacōri iso ya wiju minijuasotirā cuni”, ya yu. ¹⁶ Adi papera muare yu coare mua ti jeoja bero Laodicea cuto gäna Jesure tuorūnurāre wasoaba, ïna titoni. Ito yicōri ïnare yu papera coacatijuare wasoacōri tiba

m  a c  ni. ¹⁷ Ado bajiro Arquipore m  a gotire   moa y  : “Mani   j   Jesucristo m  re    rotiado bajiroti queno gajanoa  ”, yiya Arquipore.

¹⁸ “Quenajaro”, yi uca y  , y  masiti. Adoj   tubia ecor     na y  . Yure   cabojabesa. Yure yiari Diore seni   sisotiya m  a. Muare yiari Dios    queno yitoni   re seni   sisotia y   c  ni. Itoc     na.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
2581ee54-739f-5595-8d44-83c638ed667b